

耳談續纂全

Handwritten text at the top of the page, possibly a title or header.

Handwritten text in the upper middle section.

Handwritten text in the middle section, appearing as a single line.

Handwritten text in the middle section, appearing as a single line.

Handwritten text in the middle section, appearing as a single line.

Handwritten text in the lower middle section, appearing as a single line.

Handwritten text in the lower middle section, appearing as a single line.

Handwritten text at the bottom of the page, possibly a footer or concluding line.

耳談續纂與猶堂書種

瀏水 丁若鏞 輯

王氏耳談者古今鄧諺之萃也經史所著頗有
脫漏今復收錄石泉申承旨緯亦以十餘語採
而助之因念星翁百諺即吾東鄧諺而皆不叶
韻今取可韻者韻之因又收其脫漏先仲氏在
茲山海中亦以數十語寄之今會通為編名之
曰耳談續纂嘉慶庚辰春鐵馬山樵書

狼子野心左傳宣四年○種類
本惡終無向人之心

高下在心宣十

無過亂門昭十九○危邦不入
亂邦不居其戒同

不索何獲

昭二十七。不爲胡成不求何獲亦此語

唯食忘憂

昭二十八。人生多憂苦唯一飯之頃可忘

驕子不孝

梁孝王世家補。愛而不教既長反受其殃

利令智昏

平原君傳。魚死於餌虎死於阱皆以貪也

舐糠及米

犯自邊入

犬吠屠人

至愚之人亦知害已者言類積惡達於外也

甘苦薺

先有苦艱乃享福樂也亦言甘樂盡而苦憂至

鹿死不擇音

文十七。音陰通鹿之處將死不能擇庇陰之處

嫠不恤其緯

昭二十四。織者常患緯少寡婦所當憂也國之將亡寡婦不暇憂其緯

一淵不兩蛟

兩蛟不據一城

高士無貴士

有德慧術知者必存乎疾疾不能官達

室於怒市於色

昭二十。東諺云。受批鍾路流。曉水庫亦此意。

前車覆後車誠

賈誼傳。○彼之不幸。我以爲監。

欲授鼠而忌器

賈誼傳。○所惡倚於所敬。欲擊恐其并中。

時無赭澆黃土

赭朱土也。承乏則雖非賢材。亦可代用。

少所見多所恠

牟子。○孤陋之人。不信異聞。

巧詐不如拙誠

詐者雖巧必綻。誠者雖拙必孚。

百聞不如一見

漢書趙充國傳。○聞者憑人口見者由親目。

雀夕警鵲晝昏

明有時昏察。察不可恃也。

鹿馬而縱尋斧馬

文七年。○樹木將蔭而已。故之不用反自伐之也。

殺老牛莫之敢尸

武十七。○凡傷人害物之事。雖於微賤。不可主其謀。

老將至而毫及之

昭元年。○老則智慮將同。而昏毫又及之。遂無可用之日。

兒婦人口不可用

陳丞相世家。孺子婦女雖有人口其言不可聽用

不知其人視其友

馮唐傳。志同意合乃與為友

鬻棺者欲歲之疫

刑法志。東謬云積糶者欲歲之饑

魚不畏網而畏鵜

民不畏國法但畏貪虐之官

人唯求舊器非求舊

尚書選任之言

無於水監當於民監

酒誥。監作鑑

牝雞之晨唯家之索

牧誓。索盡也

為山九仞功虧一簣

族

黍稷非馨明德雖馨

君

柔則茹之剛則吐之

大雅蒸民。傷幼孤而避強禦人之常情也

匹夫無罪懷璧其罪

桓十年

輔車相依唇亡齒寒僖五年

心則不競何憚於病僖七年競強也

報則倦矣施耆未厭僖二十四懷恩易急責報無己厭足也

出門如賓承事如祭僖三十三造次不忘敬

敵惠敵怨不在後嗣文六年敵猶封也答恩不待子孫答怨不及子孫

畏首畏尾身其餘幾文十七

蹊人之田而奪之牛宣十一罪輕而罰重也

雖鞭之長不及馬腹宣十五車上策馬僅及馬臂言勢雖盛而不相及也

民之多幸國之不幸宣十六

羸服不稱必以惡終襄二十四德薄而位高鮮克有終

挈瓶之智守不假器昭七年汲者小智也人守器猶知不以借人為

陳力就列不能者止

論語季氏。眾共校力優劣自見

服難以勇治亂以智

戰國策武靈王

仁不輕絕智不輕惡

燕王喜。愛深者能容慮周者徐察

死者復生生者不愧

趙世家。人皆偕死作如是想可矣

美人入室惡女之仇

外戚世家補世

將順其美匡救其惡

管晏傳

寔為鷄口無為牛後

蘓恭傳。後儒或作鷄尸說非也。且不叶韻

尺有所短寸有所長

白起傳。智者有所不能愚者有所能當

當斷不斷反受其亂

春申君傳

日中則移月滿則虧

蔡澤傳

長袖善舞多錢善賈

蔡澤傳

白頭如新傾蓋如故

鄒陽傳○志睽則倍老而愈疏意合則新進而已密

女無羨惡入宮見妬

鄒陽傳

變古亂常不死則匹

鼂錯傳○先王義法變之則民受其害必有天殃

桃李不言下自成蹊

李將軍傳○我有實美不求知而物自來求也

千金之子不死於市

貨殖傳○財多足以緩獄

明其為賊敵乃可服

漢書高帝紀

有病不治常得中醫

藝文志○雖無藥力亦無藥害是中醫也

不習為吏視已成事

賈誼傳○能善治私事者吏事自亦能治

誰為為之孰令聽之

司馬遷傳○莫之求而應之莫之令而從之是民情也

以管闕天以蠡測海

東方朔傳

苛政不親煩苦傷恩

薛宣傳○令民病癢民不親矣

千人所指無病而死

王嘉傳。為眾所惡。蓄害自及之也。

兩葉不去將用斧柯

太公兵法。除害貴早。

佐祭者嘗佐鬪者傷

國語一本。祭作甕。助善事者得福。助惡事者得害。

設弩射市薄命先死

射者不擇中者有厄。

智如禹湯不如常耕

齊民要術。

越阡度陌互為主客

文選註。境移則勢換。不可據。今以輕人。

福至心靈禍來神昧

史炤疏。善者天誘其衷。惡者天奪其魄。

鏡不自照智不自料

巫不能自禳。醫不能自藥。亦此意也。

破車饒楔矮人饒舌

楔者用木絞繩以固物也。補綴其破綻如小人以奸言文過。

孤犢觸乳驕子罵母

謝承後漢書。仇賢傳。

孤死首已貉死首山

微物亦能不忘本。

富不學奢貧不學儉

續云貴不期驕貧不期諂

經師易得人師難得

章句易通德行難作模楷

淫亂之漸其變為篡

試逆多起於淫亂

婦死腹悲唯身自知

應助風俗通。鯨夫饑苦他人所不知

古人為室不成三瓦

龜策傳云物安可全天尚不全故世為屋不成三瓦而居之

吃食飽死反怨主人

不能自量怨彼厚意

斷而敢為鬼神避之

史記李斯傳。我志既壹物莫能撓

烹龜不熟移禍枯桑

與城門失火殃及池魚之意同

同道相憐同藝相爭

同所嚮故不妬術所能故有爭

目見毫毛不見其睫

史記越世家。踈遠之答易密近習之奸難見

桀犬吠堯跖客刺舜

千金買宅八百買隣

隣惡則第宅雖美不可居也

百足之蟲至死不殭

志士多憂老人多愁

有志則慮周高年則多歷

屋漏於上知之在下

為民上者有汙穢之政下民必承而知之

仰天而唾徒汚其面

小人欲汚賢聖只自汚耳

命雖在天判命在我

榮辱禍福無不自己召之者

鷹化為鳩猶憎其目

惡人雖已向善猶有宿習未盡

前事不忘後事之師

秦二世本紀

心苟無瑕何恤乎無家

閔元年○內省不疚其貧不足憂也

與其媚於奧寧媚於竈

入僭篇○上交國君不如下交權臣

欲富乎忍耻矣傾絕矣

荀子○傾絕謂不恤其絕乏傾倒以趨利

聞道百自以為莫已若

所聞尚少已生驕心

生有益於人死無害於人

檀弓。我能動則思益人不能動則思無害

借車者馳之借衣者被之

趙惠文王。背人之厚意不虞其破敝

同欲者相憎同憂者相親

中山君。一物不可兩獲并力庶幾皆免

相馬失之瘦相士失之貧

滑稽傳補。見其外貌莫知其內德

百里不販樵千里不販糶

貨殖傳。利不能償勞

曲學多諺辨窮鄉多異說

見聞不廣所言不多中

屠人鑿蒸藜鬻扇常苦渴

東語云冶家無刀

嚴家無格奴慈母有敗子

威不敢扞格愛所由驕奢

嬰兒傷於飽貴臣傷於寵

腹小而食多德薄而官濫

才人無善配美女歸愚夫

人世安排事多乖迤

生無一日歡死有萬世名

如禹稷逢千

學者如牛毛成者如麟角

嚮道者多成德者少

其父拆薪其子不克負荷

昭七年○老成者難而能為勿少者易而不勝

人而無恒不可以為卜筮

緇衣篇○於無恒之人鬼神亦不能保其所為

人而無恒不可以作巫醫

子路篇○於無恒之人不可為之穰為之藥

臨淵羨魚不如退而結網

董仲舒傳

遺子黃金滿籬不如一經

韋賢傳

人無所不為唯天不容偽

人之詐偽無極不唯天道至誠

三世仕宦方知著衣喫飯

不仕宦者不習於容體

國將興聽於民將亡聽於神

莊三十二○不恤民而作佛事崇巫覡

以權利合者權利盡而交踈

鄭世家

人衆者勝天天定亦能勝人伍子胥傳○老子曰天網恢恢疎而不失

莫知其子之惡莫知其苗之碩大學○溺愛者蔽私貪得者懷妬

士爲知己者死女爲悅己者容趙襄子○士自愛其德女自愛其色

力田不如逢年善仕不如遇合倭幸傳○人力不及天貺

水至清則無魚人至察則無徒東方朔傳○無所容物不附

救寒莫若重裘止謗莫若自修魏志

物勝權而衡殆形過鏡而照窮力弱不能重任知小不能慮遠

果蓏失地不生蛟龍失地不靈不得其地物莫得伸

其父殺人報仇其子必且行劫效善者不及效惡者必過

騰蛇無足而飛鼯鼠五技而窮大人有變化小人有限量

何知仁義已嚮其利者爲有德游俠傳○恩重則名歸之

狐埋之而狐掘之是以無成功國語○自成而自

廣交以延譽不若索居以自全外求不如內修

人情之所不能為者聖人不廢禮出於情非法所拘

山有木工則度之賓有禮主則擇之隱十

一人嚮隅而悲泣一堂皆為之不樂刑法志

畫地為獄議不入刻木為吏期不對路溫舒傳

腐木不可以為柱卑人不可以為主劉輔傳

一心可以事百君百心不可事一君

陽翟憎無癭之人秦人忘無鼻之醜

事者難成而易敗名者難立而易墮

無喪而感憂必讎焉無戎而城讎必保焉僖五年

雖有智慧不如乘勢雖有鎡基不如待時公孫丑篇

能行之者未必能言能言之者未必能行孫吳傳

貌言華也至言實也苦言藥也甘言疾也商君傳

綿綿不絕蔓蔓奈何豪釐不伐將用斧柯蘓秦傳

積羽沉舟羣輕折軸衆口鑠金積毀銷骨張儀傳

千金之子坐不垂堂百金之子行不騎衡袁盎傳

天下熙熙皆爲利來天下穰穰皆爲利往貨殖傳

一夫不耕或受之飢一女不織或受之寒食貨志

人不婚宦情欲失半人不衣食君臣道息列子

不聰不明不能爲王不瞽不聾不能爲公慎子。公謂家翁

堯舜千鍾孔子百觚子路嗑嗑尚飲十榼孔叢子

厚者不毀人以自益仁者不危人以要名

戰國策

欲人勿知莫若勿爲欲人勿聞莫若勿言

寸而度之至大必差銖而稱之至石必過

論至道者不和於俗成大功者不謀於衆

與人善言煖如布帛傷人以言深如戈戟

田中之勞入於東海附耳之言聞於千里

見兔顧犬未爲晚也亡羊補牢未爲遲也

戰國策
楚襄王

騏驥之衰驚馬先之孟賁之倦弱女勝之

戰國策

雖有親父安知不爲虎雖有親兄安知不爲狼

韓長孺

廊廟之材非一木之枝帝王之功非一士之略

叔孫通

衝風之衰不能起毛羽強弩之末不能穿魯縞

韓安國

以書御者不盡馬之情以古制者不達事之變趙世家

千金之裘非一狐之腋臺榭之榱非一木之枝叔孫通傳

將飛者翼伏將奮者足踣將噬者爪縮將文者且朴東語云踣而后能跳

力田不如遇豐年力棄不如見國鄉刺繡文不如倚市門

千羊之皮不如一狐之腋千人之諾諾不如一士之諤諤商君

已下東諺或不叶韻亦古法也○凡二百一十章內異庵所輯六十章

三歲之習至于八十言幼眇時事終為惡習老而不改

鳩生一年飛不踰嶺言年淺者不能成大事

一日之狗不知畏虎言蒙駭者不畏大人

鳥聲十二無一媚斌言惡人一言一動皆可憎

鶩踰三紀乃獲一雉喻無能之人久或有成

蟹子雖纖螯已知箝言惡種所生自幼而害人

鳥之方飛有隕其梨言事既巧湊不得而逃其責

可憎之犬鼻不離癰言為人所憎者恒受創傷

窮人之事翻亦破鼻言數奇之人多意外之災

人飢三日無計不出言窮無所不為

爾逢爾仇獨木橋頭言事必巧湊厄無幸道

竿頭苟延或至三年言忍耐逆境而憚其久

舌下有折人用自戕成言之招禍

由惜一瓦樑權大廈言惜小費而喪大器

植松求亭人壽幾齡言食效遲者不必營為

在灶之鹽擣之乃鹹言物采雖具人功宜急

百家之里必有悖子言物象則不能盡善

欲制細君湏及紅裙言妻之始來宜立法制悍

灌頂之水必流于趾喻惡事必有源流所從受也

語牛則滅語妻則洩戒告人之言必洩

晝言雀聽夜言鼠聆戒慎言也

一汗萬圍終疑此狗言一有汗穢之行終身受疑也

十斫之木罔不顛覆喻謗言屢至人終不支也

鹽所不醃豈畏豉鹹言不判於大事難屈以小事

孩兒之言宜納耳門言納言之聰宜及幼少

爪莖思擢心蛆罔覺言人知目前之小患不知隱微之大害

由酒一盞或淚厥眼言飲食不可不均也

咎在我誓溝汝何怒

言曲在我當自惡吾病而恕彼惡

匪爾牛角我墻曷崩

言爾雖曰非我有咎非爾無此患也

我跂適涸賓又辭臞

言我方厯之而爾又不肯

盜冤竟雪淫誣難滅

言有贓故可證無跡故難暴

我厭其餐予狗則慳

言在我無用猶不肯施人

無贈第物有贈盜物

言吝於所親而難辭賊奪

婦子手潤譬彼春澇

言先多施洩而不適於用

頰批鍾路眼睨冰庫

言受辱於此而報怨於彼

妻毆雖美恒受則痛

言雖相愛者數困則不悅

歌曲雖艷恒聽斯厭

言雖好言不可支離

彼苦者梨尚或味之

言物雖可厭當徐察而安之也

蔬之將善兩葉可辨言人之俊者自幼少而有異也

既乘其馬又思牽者言人之願欲難克也

我腹既飽不察奴飢言已享福樂者不知人窘苦

十指徧黠疇不予憾言慈下情無厚薄於彼此

我歌將放婚家先唱言我當咎汝汝反咎我

始用升授迺以斗受言歐罵人者輕施而受重報

眠此藁屨安用菊紉言質賤而文貴不相當也

緩驅緩驅牡牛之步言大人之事徐而有進

婦無可短踵如鷄卵言求過於無疵也

婦老為姑靡不效左言自下位而居上者不念舊日之苦而虐其在下者

唯笥無藏是以錦囊言所蓄不富或奢於當儉之地

索綯爲罟尚或捕虎

言謀事若踈冀獲大利。尚或一作安能

予所畜犬廼噬我腓

言我所養者反害我

竈苟不燃塏豈生烟

言雖浮謗皆有以自取之

曉月之觀豈自昏候

言不可爲杳茫之事致勞太早

膚爛之救吾先兒後

言愛子雖切終不如愛已

竊針不休終必竊牛

言養小惡必成大惡

甘言之家豉味不嘉

言尚口者無實德

厥勒太續終受一踐

言爲惡不悛終有一敗

鷄效鸛步載裂厥脰

言貪寒者學豪門必敗乃家

積功之塔終古不塌

言依事牢固不易壞也

投石石來擲餅餅回

言人之報我唯現我之所施

蕎餅賽祖安用二鼓

言力本不逮而欲為浮文

瑟人蹲蹲荷校隨欣

言豪家歡樂窮者故動可笑之甚。校者械也

升粟之匱嗜此尺餌

言不量其力而好為侈大

農夫餓死枕厥種子

言愚吝者不知身死而財且無用

靈龜之脊草蝮載螫

言恃小力而犯大勢不能有害

諸狗趁後必顧瘋狗

言人於惡人不能不畏其患而顧藉之

相彼蚯蚓踐之則蠹

言雖微賤之物不能無怨於凌踏

鳥之所止有羽其委

言人數有遷徙必有零損

山下卜宅春杵難獲

言物於所產之地反或稀貴

饕餮之食必咽其噪

言貪進疾驟者必致踣敗

些些食之可放纖矢

言徐徐進取得以善消受

衣視其體名視其貌

言物當相稱也

先視爾禱乃展朕足

言先處地方行其志也

聞則是病不聞是藥

言拂心之言不如不聞

雖卧馬糞此生可願

言雖苦辱猶善於死也

戲粥之糞風必來中

言般樂必招災也

諱伴出糗不笑其糗

言計笑不明徒費而無功也

暗中眊目誰知約束

言見志於人所不觀亦無益也

終夜馳奔不入其門

言積誠而無功也

啖梨之羨無以濯齒

言因便而利物遂獲兩利

勿見三公護我一躬

言徇物不如反已也

襁褓襁褓猶然錦綵

言物之本美者雖敗猶見舊美

雖有怙心線不繫針

言事雖惡不可違禮而錯亂

緣我事急野碓先踢

言彼妨我路我不得不助彼功而開其路

我刀他鞘既插難掉

言雖已物既爲人有不可逆也

留子之谷虎亦願復

言雖惡人亦有願藉於其子之所託

西旅外祗不識內美

言人不可以外貌知也

警非不警謂警則怒

言人之短處不可斥言

狗貸虎狼豈望報償

言貪虐之人無信於財賄也

五月炙火猶惜退坐

言人情吝於釋物

巫不自祈警昧終期

言人不能自謀自暗於禍幾也

宗族之聞不異狗聞

言人而不睦亦一禽獸也

未有涉川而後乘船

言事有次序不可踰越

龍惟跼矣乃能躍矣

言事雖惡宜寬
暑刻令得周旋

鳥狗之浴不變其黑

言惡人終
未改過也

昏人之睡如寤如寐

言事不
別白也

雖曰無猜喜觀隣災

言常人之情永
有不伴人之災

半蔽孔碩他人所獲

言美定於妬莫知
其苗之碩亦此意

難升之木無然仰矚

言非分之福
不宜生心

經夜無寃歷日無思

言思恐皆易
忘口寃讎也

渠所習狃不以予狗

言惡習
難棄

饕傳愈減言傳愈濫

言可欲者易犯
可張者易增

瞬目不亟或喪厥鼻

言世俗之險不
可須臾怠禍難

盜之就拿厥足有麻

言為惡者
不可違也

盜以後捉不以前捉言人當執實贓。後者

飢無可慳足錦一餐言天下之物莫急於食

赤保之軀難佩繡葫言凡百不稱不如儉素

善往之願反受雷震言雖立善功有時乎反速尤也

宰牛無賊剝栗難藏言事有大而易掩惡有小而難欺剝栗者有殼

行療之聚亦又硬土言非儉留家貨不集

牛耳諱經何能諦聽言鹵下者不足與談理

駟馬所載難任蚤背猶言蚊不可負山

視彼徒者見我騎馬言人窮則卑賤者慢侮也。徒步行也

虎之方睡莫觸其鼻言不可挑禍也

談虎虎至談人人至言不可以其人之不在而議其人

既喪其馬乃葺厥廐

猶言亡羊而補牢也

他人之宴曰梨曰柿

言不在其位枉有干涉

我所珍度竟歸人屎

言吝惜之物多歸置也

豈有溝瀆可棄奴僕

言儻雖不慧皆可用也

數春之曰尚或納手

言雖捨攘之中亦可以相幾行善

妻妾之戰石佛反面

言雖無情之物不能無妬心

警者嗜鷄自攘厥鷄

言愚昧貪得者有時乎自戕

孩誰向背趨其所愛

言愛之則悅人性然也

餅固餅矣盒方尤美

言物有善美其所牽連者皆美

駒之方鬣左右難占

言人之善惡不可辨之於幼時

村鷄入縣厥目先眩

言野人不習於繁華之地

特為良材乃蒙微苦言所信之人反露其醜

貧家之賑天子其憂言纔給旋乏力不可繼

善學者落善酒者溺言人必死於其所能

談怒蹴石我足其圻言逆境不順受適足以自傷

羹之方沸固知厥味言人於惡境不知其利害

釜底鐘底煤不胥詆言彼此同醜不可互譏

活人之藥殊不布網言人雖貪亦或得食

綠雖異織終是一色言同類必相附

彼眇者子乃孝厥妣言人於其所不仗反或受報

有為其騰我視作鷹言錯以不肖為賢

冽彼陰岡尚或回陽言榮悴有變

天之方蹶牛出有穴言雖大難亦有生路

一夜之宿長城或等言雖暫時之領不宜無備

絲琴或解繩亂弗解言小事易平大事亂治

不知何雲終雨其云言事之未形不可逆度

貢以串輪賂用駢驅言吏胥之權重也

饌餽之餌安有表裡謂微賤之人嚴於適度之分

豈與狗爭而往涸園謂狂悖之人不足相較

十人之中難敵一寇言守者易於忘憂寇者精於伺機

本不結交安有絕交言本無緣起亦無所究竟

昔以甘茹今乃苦吐言人情巧於自利也

全椒不末春不知棘言不剖折者不知裡面

莫以狗子監此趙豎

言任非其人必監守而自盜

累累者石銘者多觸

喻剛愎者多受傷害已下巽庵所輯

我涕三尺何知爾感

猶言我躬不聞違恤我後

豔醢之市嗜爾佛子

唯匪分之物不宜留目

酥地插禾灰栳建栳

猶言柔則茹之

位思其崇志思其恭

言位爾高而志宜卑

雉之未捕鷄可代數

喻承乏則不肖者之可充位

全痴諍妻半癡諍兒

或溺愛者不明

夫婦之訛如刀割水

言不合之情離間不得

驚紋裂石鳴聲破瓮

言先聲者後必有實

縣宰生活雇工生活

言居官者斥罷出於不意

十飯一匙還成一飯言衆人出力費小而惠大

未有尾雀震過確閣喻多慾者不能見利而勇退

婢爲主幹亦白其肝喻令作勞不可使無私利

既終夜哭問誰不祿喻由其事而不知其故愚痴之甚

未有饑憊由不補貸言始雖簡薄終無通財之督迫也

我謁縣宰兼受賑貸喻外託廉忠實以求利

觀表之餌咱之亦羨喻實羨者外貌亦羨也

梨腐予女柴朽予婦一句雙韻○喻心不均一必厚女而薄婦

他人之餌聊樂歲始喻因人成事

不啼之兒其誰穀之穀野斗反○喻不求者不易施也

予所憎兒先抱之懷喻所惡之人宜先修外面

匪我孤苦豈父繼父喻承乏而苟完也

電光索索霹靂之兆喻兆朕屢見必有驗也

婦家情篤拜厥馬棧戎愛妻者過恭於妻家

纔食一匙不救腹飢喻初學者不可求速成

過火之燄我食可飪喻因利乘便以成吾事

屏既草緯亦願草經喻身賤者不求貴匹

猫則真殪鼠猶佯斃猫言死諸葛走生仲達

上園而歸心異去時喻人心變於俄頃

嶺踰越巖川涉越深喻愈往而愈遠逆境

誘彼幼子竊其度餌喻巧者欺愚也

赶鷄之犬徒仰屋樞喻同學競進其友先升

未有窪溝而產神蚪喻微賤之家

我有良貨乃求善價喻先求諸人後求諸人

我有美女廼擇佳婿言先度已美乃求其匹

謂不再親汚此舊井戒勿以高遷輕其舊隣

鄰手之管鮮不自燕猶言近墨者黑

老馬在厩猶不辭豆喻貪得之心老猶不厭

如有僮僕本無茲辱喻受侮之人不宜自恨其孤單

既歿之子胡算其齒喻既誤之事庸嗟惜

匪伊腹疾媳婦何病喻有一大惡足蔽全身不可指之為小瘡

雖則乞句猶然耻拜喻人雖困窮亦惡卑屈以媚人

莫仰莫俯此強難舞喻令出無常又多是非莫適所從

彼刺者婦尚贅厥舅喻月耻求進亦或一道

輜使薄褚尚欲對舉言雖小事宜圖戮力

哀彼春雉自鳴以死言隱伏之罪以其自辨之故至於陷刑

一馬之背兩鞍難載喻一人不可兩任

既燭之罄亦去其聲喻除害務盡不可畧除而忌憂

兒之將啼又批其腮或挑禍也

毋將社酒以悅吾友或不損已物因他以沽恩

笏有襖飯尚或覆之喻薄命者得厚福不能保

蒙此鐵騎入于潭水喻行惡者自陷禍害

我欲捉蟹并交吾軍喻貪得外物并失已之本有

逐彼山豕并失家鼯喻舍本而趨外并失彼此

毋趁走腐執此落窺

言母貪難得之巨貨先取自到之小利

夏豉踰墻厥味奚嘗

喻必不棄而見棄則其人可知不必再問

妻迂財入譬彼甌汲

言纔入旋洩無以儲蓄

隻掌難鳴一服難行

喻事不可獨成

溺者易踢殭僧易擊

言侮此孤弱不可為武

山不馴雉池不養蟹

言詢人於必走之地竟無存者

附惟杖無將

言刑威之下無不屈伏○二字句叶韻用宜壽無刀劍

鯨聞鰕死

喻大官相傾其門生故吏無不受傷

雖小唯椒

番椒也一名辣茄以喻短小精悍之人如番椒之辛辣

虛測十丈水深莫測一丈人心

言無形者難度

This image shows a blank, aged, cream-colored page, likely an endpaper or flyleaf of a book. The paper has a slightly textured appearance with some minor discoloration and a small tear near the top left corner. There are faint, illegible markings scattered across the surface, possibly from the reverse side or due to age.

水



